



Univerzitet u Sarajevu
University of Sarajevo



Studijski program:
Upravljanje projektima Evropske unije
Fakultet za upravu

**Studijski program:
Upravljanje projektima Evropske unije
Fakultet za upravu**

STUDIJSKI PROGRAM: UPRAVLJANJE PROJEKTIMA EVROPSKE UNIJE

IZDAVAČ:

Univerzitet u Sarajevu - Fakultet za upravu pridružena članica
Adresa: Ul. Igmanska 41 A, 71320 Vogošća, Sarajevo

Tel: +387 (0) 33 553 – 835; (0) 33 553 – 837

Fax: +387 (0) 33 553 - 835

Web: www.fu.unsa.ba

E-mail: fakultet@fu.unsa.ba

UREDNICI:

Doc. Dr. Sci Merdža Handalić Plahonjić

Doc. Dr. Sci Emir Tahirović

Doc. Dr. Sci Nermin Lapandić

SARADNICI:

Van. Prof. Dr. Sanjin Džidić

Mr. Sci Zlatan Musić

Mr. Sci Vlasta Perla

MA Emina Hadžić

Sarajevo, April 2019. godine

INDEX

| | | |
|-------|--|----|
| 1. | UVOD..... | 6 |
| 2. | OPĆI DIO O STUDIJSKOM PROGRAMU..... | 7 |
| 2.1. | Naziv programa, tip, nivo, cilj i nosioc programa..... | 7 |
| 2.2. | Naučna polja kojima pripada Studijski program..... | 8 |
| 2.3. | Organizacija i trajanje Studijskog programa..... | 8 |
| 2.4. | Minimalan broj ECTS bodova potrebnih za završetak studija..... | 8 |
| 2.5. | Jezik na kojem se izvodi studijski program..... | 8 |
| 2.6. | Selekcijski postupak za upis na Studijski program..... | 8 |
| 2.7. | Kvalifikacije koje se stiču po okončanju programa..... | 9 |
| 2.8. | Mogućnosti zapošljavanja studenata po završetku studijskog programa..... | 9 |
| 2.9. | Prohodnosti studija..... | 9 |
| 2.10. | Skala bodovanja i ocjenjivanja..... | 10 |
| 2.11. | Osiguranje kvalitete..... | 10 |
| 3. | OPIS STUDIJSKOG PROGRAMA..... | 11 |
| 3.1. | Ishodi učenja na nivou Studijskog programa..... | 11 |
| 3.2. | Popis obaveznih i izbornih predmeta..... | 12 |
| 3.3. | Struktura studija i uslovi upisa u sljedeći semestar..... | 14 |
| 3.4. | Način dokumentovanja 30 ECTS praktične nastave..... | 14 |
| 3.5. | Informacije o načinu završetka studija..... | 14 |

1. UVOD

Fakultet za upravu Univerziteta u Sarajevu jedina je obrazovna ustanova u Bosni i Hercegovini (BiH) koja pruža sveobuhvatan sistem formalnog obrazovanja u organizacijsko-funkcionalnom domenu organa javne uprave, primarno izučavajući upravu kao reformski i razvojni fenomen nauke o upravi. Fakultet, kao obrazovna ustanova od posebne društvene, naučne i akademske važnosti, osnovan je 2005 godine.

Djelovanje u pravcu reforme javne uprave, zasnovano prvenstveno na edukaciji visokostručnih ljudskih resursa za državnu službu i privatni sektor uključujući cjelokupno upravljanje poslovanjem, a radi uspostavljanja funkcionalnog sistema uprave u BiH i doprinosu javnoj službi i privatnom sektoru po uzoru na praksu iz država članica Evropske unije, osnovni je motiv osnivanja i djelovanja Fakulteta za upravu.

Na Fakultetu za upravu se prate tržišni trendovi i potrebe studenata, te se omogućuje stručna praksa studentima/icama, a koja se dugi niz godina uspješno realizira u saradnji sa jedinicama lokalne samouprave i drugim pravnim licima u BiH. Saradnja se provodi s ciljem olakšanja prelaska diplomanata sa studija na prvo radno mjesto. Takođe, omogućeno je dodatno obrazovanje kroz razmjenu studenata putem programa međunarodne saradnje Univerziteta u Sarajevu sa evropskim univerzitetima, zatim kroz rad u demonstratorskim timovima, te kroz učestvovanje na naučno-stručnim skupovima i projektima i dr.

Institucionalno, Fakultet za upravu je pridružena članica Univerziteta u Sarajevu i ima punopravan status kao i sve ostale članice Univerziteta. Svoje djelovanje zasniva na relevantnim i važećim zakonima za visoko obrazovanje u BiH i Kantonu Sarajevo¹, Statutu Univerziteta u Sarajevu, Pravilima studiranja I, II ciklus studija, integrirani, stručni i specijalistički studij na Univerzitetu u Sarajevu i drugim relevantnim propisima važećim na Univerzitetu u Sarajevu². Koncept studiranja na Fakultetu za upravu organizovan je po trocikličnom modelu 4 + 1 + 3 uz primjenu Evropskog sistema prenosa bodova³. Koncept omogućava mobilnost studenata sa partnerskim univerzitetima Univerziteta u Sarajevu u regionu i svijetu. Ciklusi studiranja su organizovani na sljedeći način:

1. PRVI CIKLUS STUDIJA (240 ECTS) - NAUČNA OBLAST: UPRAVA
 - Tri smjera: Uprava, Poslovna uprava i E-uprava
 - Stečeno zvanje: Bachelor uprave;
2. DRUGI CIKLUS STUDIJA (180 ECTS) – NAUČNA OBLAST: UPRAVA
 - Tri smjera: Uprava, Poslovna uprava i Javne nabavke u upravi
 - Stečeno zvanje: Magistar uprave – Smjer Uprava, Poslovna uprava i Javne nabavke u upravi;
3. TREĆI CIKLUS – DOKTORSKI STUDIJ (180 ECTS)
 - Područje: Uprava
 - Stečeno zvanje: Doktor upravnih nauka.

Sva tri ciklusa studija se organizuju u skladu sa važećim pravilima studiranja Univerziteta u Sarajevu.

¹Okvirni zakon o visokom obrazovanju u Bosni i Hercegovini (Službeni glasnik BiH, broj 59/07); Zakon o visokom obrazovanju, Kanton sarajevo (Službene novine Kantona Sarajevo, broj 33/17); Standardi i normativi za obavljanje djelatnosti visokog obrazovanja na području Kantona Sarajevo, Vlada Kantona Sarajevo, 2015. godine; Zakon o naučno-istraživačkoj djelatnosti, Kanton Sarajevo (Službene novine Kantona Sarajevo, broj 26/16). ²Više dostupno na: <http://www.unsa.ba/o-univerzitetu/propisi/propisi-univerziteta-u-sarajevu>

³ECTS = European Credit Transfer System ECTS = Evropski sistem prenosa bodova radi mobilnosti studenata.

2. OPĆI DIO O STUDIJSKOM PROGRAMU

2.1. Naziv programa, tip, nivo, cilj i nosioc programa

Studijski program je uspostavljen na osnovu Odluke o uspostavi i izvedbi Studijskog programa, broj 01-10-28/19, usvojenoj na 29. redovnoj sjednici Senata Univerziteta u Sarajevu održanoj 27.03.2019. godine.

Naziv programa: Upravljanje projektima Evropske unije

Tip i nivo Studijskog programa: Ciklično obrazovanje; Master studij (II ciklus studija)

Opći ciljevi Studijskog programa:

- razumijevanje procesa evropskih integracija i njenih zajedničkih politika s naglaskom na regionalnu politiku i njene implikacije u evropskom okruženju i BiH;
- sticanje znanja i tehnika sveukupnog razumijevanja upravljanja funkcionalnim oblastima upravljanja projektima na općeprihvaćenim principima i u skladu sa standardima Evropske unije;
- pripremiti studente za istraživački i razvojni rad i omogućiti sticanje znanja, istraživačkog iskustva i kompetencija za samostalno naučno istraživanje;
- omogućiti studentima/icama kvalitetno poznavanje i razumijevanje sadržaja u širem području administrativnih i poslovnih oblasti, te primjenu razvijenih kompetencija stečenih u programu na radnom mjestu i u zajednici;

- razvijati dijaloške i komunikacione kompetencije i sposobnosti studenata/ica, sposobnosti izvođenja zaključaka i razvoja stavova s ciljem unapređenja međunarodne saradnje, mobilnosti istraživača i učešća u međunarodnim programima i projektima.

Specifični ciljevi Studijskog programa su:

- sticanje savremenog znanja i apliciranja ekonomske teorije u okviru funkcioniranja integriranog sistema nacionalnih, regionalnih i lokalnih ekonomija u kontekstu evropskih integracija;
- ovladavanje metodologijom za programiranje EU pomoći unutar neke finansijske linije ili nekog fonda, za pripremu i realizaciju pojedinačnog programa, projekta ili više njih;
- praktično usvajanje znanja i vještina na nivou postdiplomskih studija u oblasti savremenog upravljanja projektima, s posebnim fokusom na upravljanje programskim/projektnim ciklusom prema standardima EU;
- razumijevanje paradigme upravljanja EU programima/projektima, savladavanje metodologije, tehnika i analitičkih metoda EU koncepta u okviru svih faza upravljanja EU programima/projektima;
- sticanje znanja i vještina za aktivno učešće u svim fazama programskog/projektnog ciklusa, od iniciranja i planiranja, preko realizacije do nadzora i kontrole, te zatvaranje programa/projekta;
- razviti znanje, vještine i kompetencije studenata da samostalno napišu projektni prijedlog, budu sposobni provesti ga, pratiti ostvarenje rezultata, te ocijeniti rezultate

- i dostignuća provedenih projekata prema zahtjevima finansiranja sredstvima iz EU fondova i programa zajednice;
- obezbijediti fleksibilan program koji omogućava studentima/icama da razviju kapacitete upravljanja projektima u skladu sa evropskim i međunarodnim standardima;
 - veća apsorpcije sredstava Evropske unije i drugih donatora i direktan doprinos jačanju apsorpcijskih kapaciteta iz predpristupnih fondova i programa zajednice Evropske unije otvorenih za Bosnu i Hercegovinu.

Nosilac Studijskog programa: Fakultet za upravu.

2.2. Naučna polja kojima pripada Studijski program

Studijski program pripada području društvenih nauka, a sadržajem pojedinih predmeta/modula studentima nudi sticanje uravnoteženog znanja ekonomske teorije, analize i prakse. Pored toga, njegov multidisciplinarni karakter obuhvata niz postojećih naučnih oblasti razvijenih u okviru Fakulteta za upravu i to: Teorijske ekonomije i finansija, Menadžmenta i organizacije javnog sektora, Društveno-humanističke i Upravno-pravne naučne oblasti.

2.3. Organizacija i trajanje Studijskog programa

Studijski program organizuje se i izvodi u skladu sa Pravilima studiranja za I, II ciklus studija, integrirani, stručni i specijalistički studij na Univerzitetu u Sarajevu⁴. Organ Fakulteta zadužen za organizaciju i izvođenje drugog ciklusa studija jeste Naučnonastavno vijeće Fakulteta (u daljem tekstu: Vijeće Fakulteta).

Nastava se izvodi u sjedištu Fakulteta za upravu u toku jedne akademske godine. Nastava se izvodi u dva semestra (zimski i ljetni), a uključuje izvođenje nastave iz 6 obaveznih i 2 izborna predmeta, te izradu završnog-magistarskog rada. Svaki predmet ima predmetnog nastavnika/icu, a u izvođenju nastave učestvuju gostujući nastavnici/ice sa drugih univerziteta u BiH i inostranstva, te stručni saradnici iz prakse.

2.4. Minimalan broj ECTS bodova potrebnih za završetak studija

Studijski program organizira se i izvodi u skladu sa pravilima zasnovanim na evropskom sistemu prijenosa bodova (ECTS). Studentima/icama je potrebno 60 ECTS bodova za završetak studija.

2.5. Jezik na kojem se izvodi studijski program

Nastava se izvodi na službenim jezicima u Bosni i Hercegovini (bosanskom/hrvatskom/srpskom jeziku).

2.6. Seleksijski postupak za upis na Studijski program

Pravo upisa na Studijski program imaju svi studenti/ice koji su završili/e dodiplomski studij odnosno prvi ciklus studija na univerzitetima u BiH i inostranstvu koji nosi 240 ECTS bodova.

Studenti/ice strani državljani/ke, sa završenim dodiplomskim studijem koji nosi 240 ECTS bodova, imaju pravo učešća na objavljenom konkursu za upis studenata u skladu sa zakonima,

⁴Više o sadržaju Pravila na: <http://www.unsa.ba/sites/default/files/dodatak/2018-11/Pravila%20studiranja%20UNSA.pdf>

konvencijama i međunarodnim ugovorima kojima je regulisan taj status i uslovi studiranja u BiH. Poželjno je poznavanje službenih jezika BiH (barem jednog) za studente/ice strane državljanke/ke, kao i poznavanje engleskog jezika radi korištenja literature. Precizniji selekcijski uslovi, odnosno uslovi upisa na Studijski program dio su dokumentacije za upis, koja se, uz konkurs za upis, objavljuje jedanput godišnje na način i u skladu sa pravilima za selekciju i upis studenata na Univerzitetu u Sarajevu. Izbor kandidata u status studenta/ice vrši Komisija imenovana od strane Vijeća Fakulteta.

2.7. Kvalifikacije koje se stiču po okončanju programa

Odbanom završnog-magistarskog rada, odnosno okončanjem Studijskog programa, drugog ciklusa studija na Fakultetu za upravu, Univerziteta u Sarajevu, stiče se akademsko zvanje Magistra uprave – Smjer Upravljanje projektima Evropske unije.

2.8. Mogućnosti zapošljavanja studenata na završetku studijskog programa

Studijski program je prvenstveno namijenjen studentima/icama sa završenim dodiplomskim studijem koji rade ili žele raditi na poslovima upravljanja programima/projektima u/i sa evropskim integracijskim procesom na regionalnom i lokalnom nivou. Posebno mladim ljudima koji će se zapošljavati u pojedinim javnim institucijama, organizacijama civilnog društva, privrednim subjektima, a koji će u perspektivi sarađivati sa sličnim institucijama i subjektima u Evropskoj uniji.

Potrebe definisane strateškim pravcima razvoja relevantnih institucija za državnu službu u BiH, kao i organizacija dobrovoljno udruženih lokalnih samouprava u BiH bile su motivacija Fakulteta za upravu za uspostavljanje ovoga Studijskog programa. Obrazovanjem kritične mase stručnjaka prema identificiranim potrebama i njihovo zapošljavanje u javnim institucijama i ovim i sličnim organizacijama civilnog društva, kao i privrednim subjektima dodatno bi u perspektivi unaprijedilo njihove kapacitete. Dodatno, samim tim što je Studijski program uspostavljen multidisciplinarno, sa obaveznim i izbornim predmetima, čini ga fleksibilnim za buduće potrebe. Naime, Studijski program je otvoren za uvođenje novih izbornih predmeta, praćenje promjena/potreba u tržišnom okruženju, ali i interesa budućih studenata.

Takođe, obrazovani stručnjaci/kinje, sa usvojenim znanjem, vještinama i razvijenim kompetencijama u okviru Studijskog programa, ne moraju nužno biti uposleni u javnim institucijama, organizacijama civilnog društva i privrednim subjektima već sa usvojenim znanjem, vještinama i kompetencijama mogu biti samostalni davaoci usluga (samozapošljavanje) na tržištu u BiH i van nje (regionalno i šire).

2.9. Prohodnosti studija

Horizontalna prohodnost studija i studenata omogućena je implementacijom ECTS bodovnog sistema, odnosno mogućnošću priznavanja određenih ispita položenih na drugim univerzitetima/fakultetima, ali i mogućnošću da studenti/ice sa drugih univerziteta/fakulteta dio svoga studija ostvare kroz ovaj Studijski program.

Takođe, Studijski program je koncipiran da otvara mogućnost (vertikalna mobilnost) nastavka studiranja na trećem ciklusu studija ovoga Fakulteta i/ili drugih univerziteta u BiH i van nje.

2.10. Skala bodovanja i ocjenjivanja

Provjera znanja se vrši kontinuirano za svaki oblik aktivnosti u toku semestra i na završnom ispitu nakon završetka semestra utvrđenim u okviru opisa predmeta, a u skladu sa Pravilnikom o polaganju ispita na obrazovnim ustanovama Univerziteta u Sarajevu.

Studenti/ice na jednom predmetu prikupljaju bodove i sa 55 bodova dobija se prolazna ocjena (6-E), a uz primjenu preciznije skale dobijaju se više ocjene do maksimalne 10-A (95–100 bodova). Bodovanje se vrši tokom svakog semestra pojedinačno, a na osnovu testova, vježbi, prezentacija, obrade studije slučajeva i aktivnosti na predavanju.

Ocjenjivanje studenata vrši se u skladu sa brojem prikupljenih bodova, a kako slijedi:

| ECTS OCJENE | OCJENA | BROJ BODOVA | OPISNA OCJENA |
|-------------|--------|-------------|---|
| A | 10 | 95-100 | Izuzetan uspjeh bez grešaka ili sa neznatnim greškama |
| B | 9 | 85-94 | Iznad prosjeka, sa ponekom greškom |
| C | 8 | 75-84 | Prosječan s primjetnim greškama |
| D | 7 | 65-74 | Općenito dobar, ali sa značajnim nedostcima |
| E | 6 | 55-64 | Zadovoljava minimalne kriterije |
| F, FX | 5 | > 55 | Ne zadovoljava minimalne kriterije |

Završni-magistarski rad izrađuje se uz redovne konsultacije sa mentorom/icom kojeg/u imenuje Vijeće Fakulteta. Završeni-magistarski rad kandidat/inja javno brani. Komisija imenovana od strane Vijeće Fakulteta ocjenjuje završeni-magistarski rad. Mentor/ica je član/ica Komisije za ocjenu i odbranu završnog rada-magistarskog rada.

2.11. Osiguranje kvalitete

Postupak osiguranja kvaliteta provodi se u skladu sa postupcima sistema osiguranja kvalitete Univerziteta u Sarajevu⁵.

Sistem osiguranja kvaliteta svih studijskih programa, uključujući i ovaj Studijski program, Fakulteta za upravu provodi se na način da se prikupljaju, prate i procjenjuju podaci u redovnim intervalima, na nivou semestra, godišnje i trogodišnje. Sistem osiguranja kvalitete je transparentan i uključuje: a) jasno definirane uloge učesnika sistema; b) otvorenost sistema; c) javno raspoložive informacije; d) integritet sistema.

Učesnici uključeni u sistem osiguranja kvalitete Studijskog programa su: studenati, nastavnici, administrativno osoblje, rukovodstvo i javnost.

Studenti su adekvatno i aktivno uključeni u ocjenu i poboljšanje kvaliteta kroz sve organe sistema kvaliteta. Ocjenjuje se prolaznost i uspjehnost studenata (istraživanje uzroka nekvalitetnog i neefikasnog studiranja i definiranje i provođenje mjera za unapređenje). Ocjenjuje se atraktivnost i uspjehnost završavanja i zapošljavanja studenata nakon završetka Studijskog programa

⁵Više o sistemu upravljanja kvalitetom na Univerzitetu u Sarajevu dostupno na: <http://www.unsa.ba/index.php/o-univerzitetu/kvalitet-na-unsu/sistem-kvaliteta-na-unsu>

(istraživanje javnosti i osiguranje povratne informacije anketiranjem studenata i magistara Studijskog programa, poslodavaca i/ili reprezentativnih predstavnika u procesima reforme javne uprave u BiH i usmjeravanje njihovih sugestija, prijedloga i kritika s ciljem unapređenja kvaliteta);

Nastavno osoblje se ocjenjivanjuje u dva pravca: ocjenjivanje nastave i nastavnika (istraživanje i analize odnosa broja nastavnika i studenata, ocjene nastavnika od strane studenata, samoprocjena od strane nastavnika);

Odbor za kvalitet Fakulteta nadležan je za osiguranja kvaliteta Fakulteta za upravu, a preciznije za: a) organiziranje, koordiniranje i realizaciju procesa osiguranja i unapređenje kvaliteta na nivou Fakulteta; b) predlaganje projekata u oblasti osiguranja kvaliteta; c) organizaciju istraživanja uspješnosti studiranja i identifikaciju uzroka nekvalitetnog i neefikasnog procesa; d) razvoj indikatora kvaliteta kojima se prate trendovi procesa na Fakultetu za upravu uvažavajući standarde kvaliteta razvijene na Univerzitetu Sarajevo i visokom obrazovanju u cjelini; e) priprema izvještaja, prijedloga i preporuka za unapređenja sistema.

Rukovodstvo Fakulteta odgovorno je za sistem upravljanja kvalitetom u cjelini, kao i o općim uslovima rada, rada organizacionih jedinica za ostvarivanje obrazovne djelatnosti i administrativnih organizacionih jedinica, kvaliteta nastave i rada nastavnog osoblja.

3. OPIS STUDIJSKOG PROGRAMA

3.1. Ishodi učenja na nivou Studijskog programa

Studenti/ice koji/e završe studij stiču opća znanja, vještine i sposobnosti na nivou magistra kao akademskog zvanja, kao i specijalistička znanja, vještine i kompetencije vezano za Upravljanje projektima Evropske unije.

Opći ishodi znanja na nivou magistra kao akademskog zvanja:

- stečeno znanje za istraživački i razvojni rad i kompetencije za samostalno naučno istraživanje, razmatranje i davanje savjeta i rješenja u multidisciplinarnom okruženju u vezi sa područjem studiranja na radnom mjestu i u zajednici;
- razumijevanje procesa evropskih integracija i njenih zajedničkih politika s naglaskom na regionalnu politiku i njene implikacije u evropskom okruženju, uključujući BiH;
- razvijenu sposobnost sveukupnog razumijevanja upravljanja funkcionalnim oblastima upravljanja u programima/projektima na općeprihvaćenim principima i u skladu sa standardima Evropske unije;
- sposobnosti prenošenja i razmjene iskustva i znanja, adekvatne argumentacije stavova i izvođenja zaključaka, a sve ciljem unapređenja međunarodne saradnje, mobilnosti istraživača i učešća u međunarodnim programima i projektima.

Magistar/ica uprave – Smjer: Upravljanje projektima Evropske unije je osoba koja posjeduje specifičan tip znanja, vještina i kompetencija kojima može:

- uspješno upravljati metodologijom za programiranje EU pomoći unutar neke finansijske linije ili nekog fonda, za pripremu i realizaciju pojedinačnog programa, projekta ili više njih;
- razumjeti i primijeniti paradigmu upravljanja evropskim projektima sa metodologijom EU projektnog pristupa, tehnikama upravljanja, te analitičkim metodama u okviru svih faza upravljanja programima/projektima;
- praktično upravljati najsloženijim poslovima od nivoa upravljanja portfeljem/programom gdje se strateškim odabirom i vizijama pokreću početne investicije i uspostavljaju mjere uspješnosti na nivou područja u nadležnosti institucije/organizacijama civilnog društva/privrednog subjekta, te unapređenjem institucionalnih performansi kroz upravljanje projektima od planiranja i provođenja projekata u skladu sa strategijom/ma iz nadležnosti institucije/organizacijama civilnog društva/privrednog subjekta, preko upravljanja ljudima i resursima do upravljanja kvalitetom, te procjenjivanja napretka i ocjene dostignuća projekta ciljevima utvrđenim strategijom/ma;
- razviti kapacitete upravljanja programima/projektima u skladu sa evropskim i međunarodnim standardima u institucijama/organizacijama civilnog društva/privrednim subjektima ili samostalno s ciljem veće apsorpcije sredstava Evropske unije i drugih donatora i time direktno doprinosti jačanju apsorpcijskih kapaciteta sredstava iz predpristupnih i strukturnih fondova i programa zajednice Evropske unije u Bosni i Hercegovini.

Magistar uprave – Smjer: Upravljanje projektima Evropske unije je osposobljen za najsloženije poslove planiranja, vođenja, praćenja i ocjenjivanja razvojnih programa i projekata u javnim institucijama, poslovnom sektoru, organizacijama civilnog društva i samostalno, a koji zahtijevaju timski rad i individualna specifična znanja, vještine i kompetencije.

Takođe, studenti/ice stiču specifična znanja, vještine i kompetencije u područjima koja su dio Studijskog programa, a koja mogu biti pojedinačna područja ili više njih dodatno usavršavana u trećem obrazovnom ciklusu i/ili sistemu cjeloživotnog učenja.

3.2. Popis obaveznih i izbornih predmeta

Studijski program drugog ciklusa studija podijeljen je na 2 (dva) studijska semestra (zimski i ljetni) u toku jedne akademske godine. U skladu sa Evropskim sistemom prenosa ECTS bodova, obim studijskog programa iznosi 60 ECTS u jednoj akademskoj godini, odnosno 30 ECTS bodova u jednom semestru.

I SEMESTAR

| Br. | Naziv predmeta (OBAVEZNI) | Predavanja | Vježbe | Ukupno | ECTS |
|-----|--|------------|--------|--------|------|
| 1. | Metodologija istraživanja u upravi -DH | 2 | 1 | 3 | 5 |
| 2. | Upravljanje projektima - MOJS | 2 | 1 | 3 | 5 |
| 3. | Regionalna politika i struktura fondova Evropske unije - TEF | 3 | 1 | 4 | 6 |
| 4. | Razvoj projektnih prijedloga - TEF | 3 | 2 | 5 | 7 |
| 5. | Upravljanje resursima i rizicima provedbe projekta – TEF | 3 | 1 | 4 | 7 |
| | Ukupno semestar I | | | | 30 |

II SEMESTAR

| Br. | Naziv predmeta (OBAVEZNI) | Predavanja | Vježbe | Ukupno | ECTS |
|-----|-------------------------------------|------------|--------|--------|------|
| 1. | Praćenje i procjena projekata - TEF | 3 | 1 | 4 | 5 |
| 2. | Izborni predmet | 2 | 1 | 3 | 5 |
| | Izrada završnog-magistarskog rada | | | | 20 |
| | Ukupno semestar II | | | | 30 |

IZBORNI PREDMETI

| Br. | Naziv predmeta (IZBORNI) | Predavanja | Vježbe | Ukupno | ECTS |
|-----|---|------------|--------|--------|------|
| 1. | Upravljanje kvalitetom MOJS (izborni) | 2 | 1 | 3 | 5 |
| 2. | Standardi i procedure ugovaranja vanjske pomoći Evropske unije -UPR (izborni) | 2 | 1 | 3 | 5 |

| | |
|--------------------------|----|
| UKUPNO Studijski program | 60 |
|--------------------------|----|

3.3. Struktura studija i uslovi upisa u sljedeći semestar

Studenti/ice su obavezni učestvovati u izvođenju nastave u skladu sa kriterijima i pravilima definisanim Statutom Univerziteta u Sarajevu. Izvođenje nastave je prilagođeno uslovima redovnog i vanrednog studija.

Studijski program drugog ciklusa studija se organizuje u dva semestra, a nastava se izvodi u 6 obaveznih predmeta, dva izborna predmeta i završnog-magistarskog rada. Studenti/ice pohađaju nastavu iz svih obaveznih predmeta i jednog izbornog predmeta.

Uslovi upisa narednog semestra utvrđeni su pravilima studiranja Univerziteta u Sarajevu. Studenti/ice su obavezni prijaviti izborni predmet koji žele slušati i polagati prilikom upisa u II semestar u kojem će se izvoditi nastava za izborni predmet. Ukoliko se za izborni predmet prijavi manje od 5 studenata Vijeće Fakulteta će donijeti odluku o načinu izvođenja nastave za izabrani predmet. Sve ispite studenti/ice polažu u prostorijama Fakulteta za upravu.

Završni-magistarski rad nosi ukupno 20 ECTS bodova. Završni-magistarski rad se može predati na ocjenu tek nakon položenih svih ispita i izvršenih svih drugih obaveza predviđenih upisom na Studijski program na način i u skladu sa pravilima studiranja na Univerzitetu u Sarajevu.

3.4. Način dokumentovanja 30 ECTS praktične nastave

Praktična nastava se izvodi u najmanje 30 ECTS kao sastavni dio nastave, a što je definirano opisom svakog predmeta u studijskom

programu. Nakon održane 30% teorijske nastave svakog pojedinačnog predmeta, predmetni nastavnici/ice, u konsultacijama sa gostujućim nastavnicima/icama i stručnim saradnicima/icama, zajedno sa studentima definišu teme (projektne ideje) koje će praktično obrađivati. Nastavnici i saradnici iniciraju formiranje timova studenata koji će obrađivati izabranu temu, dok nastavnici i saradnici usmjeravaju i koordiniraju rad timova. Na kraju semestra, u okviru ispitivanja i ocjenjivanja znanja za predmet, timovi prezentiraju i brane obrađene teme. Dokumentacija o provođenju i ocjenjivanju praktične nastave evidentira se kroz evidenciju za svakog studenta/icu.

3.5. Informacije o načinu završetka studija

Studijski program se završava polaganjem svih ispita i izradom i odbranom završnog-magistarskog rada.

Predmetni nastavnici/ice, u konsultacijama sa gostujućim nastavnicima/icama i stručnim saradnicima/icama, obavezni su predložiti Vijeću Fakulteta jedan ili više naslova tema za izradu završnog-magistarskog rada sa odgovarajućim obrazloženjem najkasnije nakon završetka prvog semestra. Student/ica može sam/a predložiti temu uz konsultacije sa mentorom/icom kojeg/u biraju sami. Tema (područje) završnog-magistarskog rada se bira iz područja studijskog programa. Student/ica bira temu završnog-magistarskog rada nakon završetka I semestra, a najkasnije do početka II semestra.

Prijava, izrada, odbrana i objavljivanje završnog-magistarskog rada regulisano je pravilima studiranja na Univerzitetu u Sarajevu. Završni – magistarski rad brani se javno.

UNIVERZITET U SARAJEVU
FAKULTET ZA UPRAVU
pridružena članica

☎ +387 (0) 33 553-835 i
(0) 33 553-837;
fax: +387 (0) 33 553-835

🌐 www.fu.unsa.ba

✉ fakultet@fu.unsa.ba

📍 Igmanska 40 A, 71 320 Vogošća,
SARAJEVO